

醫宗金鑑內科目錄

第十四冊

卷五十九

痘中雜證下

男婦年長出痘門

疹門證治

卷六十

種痘諸法

卷六十一

目睛原始歌起至胎患歌止

卷六十二

外障總名歌起至附外止

卷六十三

九鍼原始起至十二經脈氣血多少歌止

校正醫宗金鑑

內科

醫宗金鑑卷五十九

編輯痘疹心法要訣

痘中雜症下

痘後癰毒 餘毒未盡痘毒生輕則瘡癰重為癰內用解毒湯俱可外敷紅玉膏有功註凡痘後餘毒皆因滯聚之時毒氣太盛未得盡化留藏於經絡聚而不散輕則發為瘡癰重即成癰或在肌肉之虛處或發於關節搖動之際皆不論已潰未潰均以解毒內託湯主之外用紅玉膏攤貼患處

解毒內託湯 生黃耆 荊芥 防風 連翹 去心 當歸 赤芍藥 金銀花 甘草節 木通 水煎服

解毒內託湯最靈黃耆荊芥共防風連翹當歸赤芍藥銀花甘草與木通

紅玉膏 紫草一兩 紅花一兩 當歸二兩 黃蠟三兩 用香油半觔先將藥煉焦去渣後下黃蠟令勻以冷為

度攤貼患處

目病 目病之由風熱成痘毒大鬱上攻睛亦腫澀痛洗肝散翳膜遮睛龍膽從註目病固多由風熱而起也夫痘蘊

非常之熱自裏達外氣血弱則不能逐毒外出大鬱上攻目斯病矣如赤腫疼痛癰澀流淚不能開者以洗肝散主之

翳膜遮睛隱澀羞明者加味龍膽湯主之

洗肝散 羌活 歸尾 防風 山梔仁 穀精草 薄荷 生甘草 川芎 水煎食後服 洗肝散治目痛疼

羌活歸尾及防風山梔仁同穀精草薄荷甘草配川芎

龍膽湯 防風 木賊草 密蒙花 蟬蛻 蔓荊子 龍膽草 菊花 黃連 白芷 蒺藜 水煎服 翳翳遮

龍膽湯堪誇防風木賊密蒙花蟬蛻蔓荊龍膽菊黃連白芷蒺藜佳

唇 脾經脈絡繞唇口出痘始終貴潤紅紫裂焦黑急宜治葛根解毒二方從註脾經之脈絡繞於唇口故經曰六府

之華在唇必津液充足氣血和暢唇口方能紅潤故出痘之始終以此為貴不然一為毒大所制則毒乘於中熱熾於

外不惟不能紅潤且或赤或紫或焦裂者治皆不可緩也初宜加味升麻葛根湯起服後則以黃連解毒湯治之

加味升麻葛根湯 赤芍 梔子 藿香 升麻 葛根 生甘草 防風 石膏 水煎服 加味升麻葛根湯

赤芍 梔子 與藿香 升麻 葛根 生甘草 防風 石膏 共煎膏

黃連解毒湯 方見結加落痂證治

痘後牙疳 痘後牙疳 毒熱攻口 臭齲腫多 痛疼內服 清毒涼血 飲外敷中白散 極靈 痘後生牙疳者 乃餘毒未解 上攻牙齒 而然也 初起口臭 齲腫牙縫出血 尚覺疼痛 甚則色黑 腐爛牙齒 脫落穿腮 破頰 蝕透鼻唇 多至不救 見之 須急急調治 內服清毒涼血 飲外敷人中白散

清毒涼血飲 知母 石膏 生地 黃連 當歸 赤芍 大黃 山梔子 丹皮 荊芥穗 連翹 去心 水煎

服 清毒涼血 治牙疳 知母 石膏 生地 連歸 芍大黃 山梔子 丹皮 荊穗 連翹 煎

人中白散 人中白 煨錢 雄黃 八分 冰片 四分 硼砂 青黛 兒茶 各一錢 共為細末 搽敷患處

舌 舌乃心苗 五內通毒火 一犯先見形 赤紫黑腫 并舒弄總以清熱 犀角平註 古為心苗內通五臟 毒熱舉發 舌先

受之 或赤或紫或黑或腫 舒舌弄舌 種種不一 要皆熱留於心 而使然也 治宜清熱為主 以加味犀角湯治之

加味犀角湯 荊芥 防風 牛蒡子 炒 生甘草 桔梗 升麻 犀角 麥冬 去心 梔子 黃連 石膏 煨

水煎服 加味犀角 能散熱 荊芥 牛蒡 同甘桔 升麻 犀角 麥冬 梔子 黃連 石膏 梔

咽喉 咽喉之地 司出入 毒火冲熾 痛難堪 內用甘桔 利咽喉 劑外吹牛黃散 即安 註咽者 飲食之道 喉者 呼吸之門 乃

最緊要之處 若痘毒不能發越 於外火熱壅塞 隔間上冲咽喉 則或腫痛或啞瘡 甚而不能呼吸 飲食難入 速用加味

甘桔湯治之 或用加減利咽解毒湯 外用牛黃散吹入腫處

加味甘桔湯 方見失音

利咽解毒湯 防風 山豆根 麥冬 去心 牛蒡子 炒 黑參 苦桔梗 生甘草 萊豆 水煎服 利咽解毒

毒用防風 山豆根 與麥門冬 牛蒡 黑參 苦桔梗 甘草 萊豆 共煎濃

牛黃散 川黃連 生黃蘗 生薄荷 各八分 雄黃 火硝 青黛 各二分 牛黃 冰片 硼砂 硃砂 各一分

共為細末 每用少許吹患處

痘疹 痘中又參因時氣毒火觸動 發其機 臨期休將痘瘡治速將升葛透疹宜註痘已見形 其中又有顆粒細密如

麻子者此火疹也因出痘時恰遇天行時疫感受其氣一時並發不須治痘當先治疹以升麻葛根湯加荊芥防風蟬蛻牛蒡犀角疹散而痘自起矣

升麻葛根湯 方見發熱證治

夾癰 片片結就如雲頭毒傷陰血浮火遊表散荊防敗毒劑清熱黃連解毒投註癰乃血之餘也因毒火鬱過傷於陰血血熱相搏故浮遊之火散布皮膚之間與痘相夾而出片片如雲頭突起謂之夾癰以荊防敗毒散主之七日後見此謂之發癰乃血熱不解故也以黃連解毒湯主之

荊防敗毒湯 羌活 獨活 柴胡 前胡 荊芥 防風 生甘草 川芎 枳殼 煨桔梗 赤茯苓 引用生薑

水煎服 方見夾癰宜用疎解劑荊防敗毒進莫遲羌獨柴前荊防草川芎枳桔赤苓宜

黃連解毒湯 方見結毒落痂證治

夾痧 痧形發時果一般顆粒形圓頂又尖粒中含水清漿樣敗毒調治自然安 痧亦疹類但形如粟米尖圓白鞭內含清水為異此亦熱毒所發往往夾痘而出宜於疎散以荊防敗毒散主之

荊防敗毒散 方見夾癰

水痘 水痘皆因濕熱成外證多與大痘同形圓頂尖含清水易脹易靨不漿膿初起荊防敗毒散加味道素繼相從 疹水痘發於脾肺二經由濕熱而成初起與大痘相似面赤唇紅眼光如水咳嗽噴嚏涕稠黏身熱二三日而始出其形尖圓而大內含清水易脹易靨不作膿漿初起荊防敗毒散主之繼以加味導赤散治之

荊防敗毒散 方見夾癰

加味導赤散 生地 木通 生甘草 連翹 黃連 滑石 赤苓 麥冬 去心 引用燈心水煎服 方見加味導

赤除濕熱生地 木通甘草協翹連滑石苓麥冬引加燈心稱妙訣

男婦年長出痘門

男子年長出痘 年長出痘總不宜真陰虧損元氣虛一逢出痘毒冲熾水不勝火豈能支夾熱參麥清補劑攻毀參歸鹿茸宜 註男子自十六歲後皆謂之年長嗜慾情開元精走洩又遇痘毒之火冲熾則真陰虧損水虛不能制火故

每至行漿之際口渴心煩鼻衄咽痛不能成膿結痂者有之治者不可妄用寒涼五六日前只用參麥清補湯調治至七八日如膿漿不行急宜攻漿以參歸鹿茸湯內調雞冠血酒治之但得敷行庶可無虞

參麥清補湯 當歸 川芎 花粉 白芍 酒炒 生地 人參 生黃耆 前胡 桔梗 牛蒡子 炒研 生甘草

紅花 南山楂 麥冬 去心 引用生薑水煎服 參麥清補用歸芍花粉生地白芍同參耆前胡牛蒡草紅花山

查麥門冬

參歸鹿茸湯 方見滋漿證治

雞冠血酒 方見灰陷白陷

婦女出痘行經 婦女發痘遇經行當期毒解不須驚非期涼血解毒治過期四物解毒從去血過多氣血弱十全大

補服通靈 註女子出痘或遇經行須問其是期非期如期而出者則毒熱隨血解去不須施治其證自愈若非期而至

者此毒火內擾於胞中致血妄行以涼血解毒湯治之若過期不止乃毒熱乘入血室以四物解毒湯加元參甘草主

之若行漿時去血過多此氣血虛弱不能統攝也急用十全大補湯治若稍緩痘漿不行則無救矣

涼血解毒湯 方見結痂落痂證治

四物解毒湯 當歸 白芍 酒炒 生地 元參 梔子 炒 川芎 生甘草 黃連 酒炒 黃蘗 酒炒 黃芩 酒炒 水煎

服 四物解毒湯如神歸芍生地共元參梔子川芎生甘草黃連黃蘗黃芩

十全大補湯 方見結痂落痂證治

孕婦出痘 妊娠出痘勢最難母子相連掌握間審其所因隨證治如聖安胎效通仙毒孕婦最忌出痘蓋熱能動胎

胎落則氣血因之而傷又安望其起脹灌漿結痂耶故遇孕婦出痘始終以安胎為上用如聖散隨證加減治之不可

輕用犯胎之藥致有觸動

如聖散 當歸身 陳皮 白朮 土炒 大腹皮 黃芩 縮砂仁 連殼炒 甘草生 黑豆 酒洗 桑上羊兒藤

水煎服 初發熱加升麻葛根連翹 出而稠密者加酒炒黃連牛蒡子連翹南山楂 不起發者加牛蒡子赤芍藥

渴加麥門冬知母花粉 血動者四物湯加芩連 脾虛食少毒發不出者千金內託湯去肉桂倍加參耆 身熱有

外和者參蘇飲加水香 方安胎如聖散最宜歸陳白朮大腹皮黃芩砂仁共甘草黑豆羊藤服莫疑

痘出過座 痘出正盛逢座束手無策勢最險無恙十全大補治惡露未盡黑神散註孕婦當痘正出之際忽然欲座俟育後無他恙者只宜大補氣血十全大補湯主之若腹中微痛此惡露未盡也黑神散主之十全大補湯方見結痂落痂證治

黑神散 當歸 川芎 熟地黃 青皮 醋炙 香附 醋炙 蒲黃 桂心 乾薑 水煎服 歌方惡露未盡黑神良

當歸川芎熟地黃青皮香附俱醋炙蒲黃桂心合乾薑

產後出痘 產後如逢出痘瘡惟憑補益莫驚慌十全大補全功效勿用寒涼致損傷註婦人產後氣血已傷又遇出痘則氣血之供用難給不能領載其毒惟宜大補氣血以十全大補湯治之切不可妄用寒涼之劑致傷生發之機也十全大補湯方見結痂落痂證治

疹門

疹原 麻為正疹亦胎毒毒伏六腑感而出初發之狀有類痘形去漸密不漿殊始終調護須留意較痘雖輕變化速註疹非一類有癰疹癰疹溫疹蓋痘疹皆非正疹也惟麻疹則為正疹亦胎元之毒伏於六腑感天地邪陽火旺之氣自肺脾而出故多咳嗽噴嚏鼻流清涕眼淚汪汪兩胞浮腫身熱二三日或四五日始見點於皮膚之上形如麻粒色若桃花間有類於痘大者此麻疹初發之狀也形失疎稀漸次稠密有顆粒而無根暈微起泛而不生漿此麻疹見形之後大異於痘也須留神調治始終不可一毫疎忽較之於痘雖稍輕而變化之速則在頃刻也

麻疹輕重 麻疹出時非一端其中輕重要詳參氣血和平輕而易表裏交雜重則難註麻疹出時有輕重之分臨時須要詳察若氣血和平素無他病者雖感時氣而正能制邪故發熱和緩微微汗出神氣清爽二便調勻見點則透徹散漫不疾不徐惟輕而易治者也若素有風寒食滯表裏交雜一觸邪陽火旺之氣內外合發而正不能制邪必大熱無汗煩躁口渴神氣不清便閉尿澀見點不能透徹收散或太緊速則為重而難治者也

麻疹主治大法 疹宜發表透為先最忌寒涼毒內含已出清利無餘熱沒後傷陰養血痊註凡麻疹出貴透徹宜先用表發使毒盡達於肌表若過用寒涼冰伏毒熱則必不能出透多致毒氣內攻喘悶而斃至若已出透者又當用清利之品使內無餘熱以免疹後諸證且麻疹屬陽熱甚則陰分受傷血為所耗故沒後須以養血為主可保萬全此

首尾治疹之大法至於臨時權變惟神而明之而已

麻疹未出證治 欲出麻疹身微熱表裏無邪毒氣鬆若兼風寒食滯熱隱伏不出變叢生宣毒發表為主劑隨證加味莫亂從証麻疹一證非熱不出故欲出時身先熱也表裏無邪者熱必和緩毒氣鬆動則易出而易透若兼風寒食熱諸症其熱必壯盛毒氣鬱閉則難出而難透治以宣毒發表湯其間或有文雅之證亦照本方隨證加減治之

宣毒發表湯 升麻 葛根 前胡 桔梗 枳殼 麩炒 荆芥 防風 薄荷葉 木通 連翹 去心 牛蒡子 研炒

淡竹葉 生甘草 引加芫荽水煎服 感寒邪者加麻黃夏月勿用 食滯加南山楂 內熱加黃芩 痧疹伏宣

熱發表湯升葛前桔枳防薄通翹茅淡竹草引加芫荽水煎當

麻疹見形證治 麻疹已出貴透徹細密紅潤始為良若不透徹須分晰風寒毒熱氣虛詳風寒升葛湯加味毒熱三

黃石膏湯氣虛人參敗毒散託裏透疹效非常註麻疹見形貴乎透徹出後細密紅潤則為佳美有不透徹者須察所

因如風寒閉塞必有身熱無汗頭疼嘔惡疹色淡紅而黯之證宜用升麻葛根湯加蘇葉川芎牛蒡子因毒熱壅滯者

必面赤身熱語語煩渴疹色赤紫滯黯宜用三黃石膏湯又有正氣虛弱不能送毒外出者必面色㿔白身微熱精神

倦怠疹色白而不紅以人參敗毒散主之

升麻葛根湯 方見痘門發熱證治

三黃石膏湯 麻黃 石膏 淡豆豉 黃蘗 梔子 黃芩 水煎服 痧疹出不透因毒熱三黃石膏湯急尋麻

黃石膏湯淡豆豉黃蘗黃連梔子分

人參敗毒散 人參 川芎 羌活 獨活 前胡 枳殼 麩炒 桔梗 柴胡 生甘草 赤苓 引用生薑水煎

服 痧疹因氣虛出難透人參敗毒有奇功參芎羌獨前枳桔柴胡甘草赤茯苓

麻疹收沒證治 疹出三日當收沒不疾不徐始無虞收沒太速毒攻內當散不散虛熱醫毒盛荊解毒治外用胡

荽酒法宜虛熱柴胡四物劑應證而施病漸離註麻疹見形三日之後當漸次沒落不疾不徐始為無病若一二日疹

即收沒此為太速因調攝不謹或為風寒所襲或為邪穢所觸以致毒反內攻輕則煩渴譫狂重則神昏悶亂急宜內

服荊解毒湯外用胡荽酒薰其衣被使疹透出方保無虞當散不散者內有虛熱留滯於肌表也其證潮熱煩渴口

燥咽乾切不可純用寒涼之劑以柴胡四物湯治之使血分暢餘熱悉除疹即沒矣

荆防解毒湯 薄荷葉 連翹去心 荆芥穗 防風 黃芩 黃連 牛蒡子 炒研 大青葉 犀角 人中黃

引用燈心蘆根水煎服 方收沒太速毒內攻荆防解毒治最靈薄翹荆防芩連芩大青犀角共人中

胡荽酒 方見痘門水泡證治

柴胡四物湯 白芍 炒 當歸 川芎 生地 人參 柴胡 淡竹葉 地骨皮 知母 炒 黃芩 麥冬 去心

引加生薑紅棗水煎服 方當散不散因虛熱柴胡四物芍歸芎生地人參柴竹葉地骨知母芩麥冬

身熱不退 麻疹已發身猶熱毒熱壅遏使之然出用化毒清表劑沒後柴胡清熱煎 註 麻疹非熱不出若既出透其

熱當減倘仍大熱者此毒盛壅遏也宜用化毒清表湯治之疹已沒落而身熱者此餘熱留於肌表也宜柴胡清熱飲

治之

化毒清表湯 葛根 薄荷葉 地骨皮 牛蒡子 炒研 連翹去心 防風 黃芩 黃連 元參 生知母

木通 生甘草 桔梗 引用生薑燈心水煎服 方疹已出透身壯熱化毒清表為妙訣葛薄地骨芩翹防芩連元

知通甘桔

柴胡清熱飲 柴胡 黃芩 赤芍 生地 麥冬 去心 地骨皮 生知母 生甘草 引用生薑燈心水煎服

方疹已沒落熱不減柴胡清熱效通仙柴胡黃芩芍生地麥冬地骨知母甘

煩渴 毒熱內盛大上炎心胃擾亂煩渴添未出升葛湯加味已出白虎湯為先沒落竹葉石膏用因時醫治莫遲延

註 凡出麻疹煩渴者乃毒熱壅盛也蓋心為熱擾則煩胃為熱鬱則渴當未出時宜升麻葛根湯加麥冬天花粉已出

者宜白虎湯沒後煩渴者用竹葉石膏湯

升麻葛根湯 方見痘門發熱證治

白虎湯 石膏 煨 生知母 生甘草 引用粳米水煎服 方麻疹已發多煩渴白虎清熱自能安石膏知母生甘

草引加粳米用水煎 竹葉石膏湯 人參 麥冬 去心 石膏 煨 生知母 竹葉 生甘草 水煎服 方疹已沒落當安靜若加煩渴

醫宗金鑑 卷五十九 疹門 四 上海廣益書局印行

熱未消竹葉石膏湯參麥石膏知母竹甘從

譴妄 疹發最怕毒火盛熱昏心神譴妄生未出三黃石膏治已出黃連解毒靈註譴妄一證乃毒火太盛熱昏心神

而然也疹未出而譴妄者三黃石膏湯主之疹已出而譴妄者黃連解毒湯主之

三黃石膏湯方見麻疹見形證治 黃連解毒湯方見痘門結痂落痂證治

喘急 疹初無汗作喘急宜發麻杏石甘宜毒熱內攻金受剋保肺清氣化毒醫註喘為惡候麻疹尤忌之如初出未

透無汗喘急者此表實拂鬱其毒也宜用麻杏石甘湯發之疹已出胸滿喘急此毒氣內攻肺金受剋宜用清氣化

毒飲清之若遲延失治以致肺葉焦舉則難救矣

麻杏石甘湯 石膏煨 麻黃蜜炒 杏仁去皮尖炒 生甘草 引用生薑水煎服 歌喘用麻杏石甘湯石膏火

版合麻黃杏仁去尖須微炒甘草相配引生薑

清氣化毒飲 前胡 桔梗 枳實仁 連翹去心 桑皮炙 杏仁去皮尖炒 黃芩 黃連 元參 生甘草 麥

冬去心 引用蘆根水煎服 歌毒熱內攻肺喘滿清氣化毒飲最靈前胡桔梗枳實桑杏冬連元參草麥冬

欬嗽 疹初欬嗽風和鬱加味升麻葛根良毒熱薰蒸金受制清金寧嗽自堪嘗 註麻疹發自脾肺故多欬嗽若欬嗽

太甚者當分初沒治之初起欬嗽此為風和所鬱以升麻葛根湯加前胡桔梗蘇葉杏仁治之已出欬嗽乃肺為火灼

以清金寧嗽湯主之

升麻葛根湯方見痘門發熱證治

清金寧嗽湯 橘紅 前胡 生甘草 杏仁去皮尖炒 桑皮蜜炙 川連 枳實仁 桔梗 浙貝母去心 引

用生薑紅棗水煎服 歌嗽用清金寧嗽湯橘紅前胡杏仁桑川連枳實貝母引用紅棗共生薑

喉痛 疹毒熱甚上攻喉腫痛難堪實可憂表邪元參升麻用裏熱涼膈消毒求 註疹毒熱盛上攻咽喉輕則腫痛甚

則湯水難下最為可慮表邪鬱遏疹毒不能發舒於外致咽喉作痛者元參升麻湯主之裏熱壅盛或疹已發於外而

咽喉作痛以涼膈消毒飲主之

元參升麻湯 荊芥 防風 升麻 牛蒡子炒研 元參 生甘草 水煎服 歌表鬱疹毒喉腫痛急服元參升麻

湯荊茶防風升麻等元參甘草水煎嘗

涼膈消毒飲 荊芥穗 防風 連翹去心 薄荷葉 黃芩 生梔子 生甘草 牛蒡子炒研 芒硝 大黃生

引用燈心水煎服 方裏熱喉痛苦難當涼膈消毒飲最良荊防翹薄荊梔草牛蒡芒硝生大黃

失音 疹毒聲啞肺熱壅元參升麻大有功已發加減涼膈散沒後兒茶音即清 失音者乃熱毒閉塞肺竅而然也

疹初失音者元參升麻湯主之疹已發而失音者加減涼膈散主之疹沒後聲啞者兒茶散主之

元參升麻湯 方見喉痛

加減涼膈散 薄荷葉 生梔子 元參 連翹去心 生甘草 苦桔梗 麥冬去心 牛蒡子炒研 黃芩

水煎服 加減涼膈治失音薄荷梔子共元參連翹甘草苦桔梗麥冬牛蒡與黃芩

兒茶散 硃砂二錢 孩兒茶五錢 共為細末涼水一盞調藥一匙服之

嘔吐 疹發緣何嘔吐逆火和擾胃使之然竹茹石膏為主治和中清熱吐能安 註麻疹嘔吐者由於火邪內迫胃氣

冲逆也須以竹茹石膏湯和中清熱其吐自止

竹茹石膏湯 半夏薑製 赤苓 陳皮 竹茹 生甘草 石膏煨 方竹茹石膏湯治吐半

夏薑製配茯苓陳皮竹茹生甘草石膏火煨共合成

瀉泄 毒熱移入大腸經傳化失常瀉泄成初起升葛湯加味已發黃連解毒清 註麻疹瀉泄乃毒熱移入腸胃使傳

化失常也治者切不可用溫熱諸劑疹初作瀉者以升麻葛根湯加赤苓豬苓澤瀉主之疹已出作瀉者以黃連解毒

湯加赤苓木通主之

升麻葛根湯 方見痘門 發熱證治 黃連解毒湯 方見痘門 結毒落痂證治

痢疾 夾疹之痢最難當毒熱凝結移大腸腹痛下痢赤白色悉用清熱導滯良 註麻疹作痢謂之夾疹痢因毒熱未

解移於大腸所致也有腹痛欲解或赤或白與赤白相兼者悉用清熱導滯湯主之不可輕投瀉劑

清熱導滯湯 山查 厚朴薑炒 生甘草 枳殼麩炒 檳榔 當歸 白芍酒炒 條芩酒炒 連翹去心 牛

蒡子炒研 青皮炙 黃連 吳茱萸炒 引用生薑水煎服 方痢用清熱導滯湯山查朴草殼檳榔歸芍條芩翹牛

芳青皮黃連引生薑

腹痛 小兒發疹腹中疼毒鬱腸胃食滯凝曲腰啼叫眉頻蹙加味平胃散堪行註麻疹腹痛者由食滯凝結毒氣不得宣發於外故不時曲腰啼叫而眉頻蹙須以加味平胃散治之滯消毒解而痛自除矣

加味平胃散 防風 升麻 枳殼 麩炒 葛根 蒼朮 炒 陳皮 厚朴 薑炒 南山楂 麥芽 炒 生甘草

引用生薑燈心水煎服 加味平胃散如神防風升麻枳葛根蒼朮厚朴查芽草生薑燈心水煎勻

衄血 疹家衄血莫倉惶毒從衄解妙非常衄甚吹鼻髮反散內服犀角地黃湯註肺開竅於鼻毒熱上冲肺氣載血妄行則衄作矣然衄中有發散之義以毒從衄解不須止之但不可太過過則血脫而陰亡也如衄甚者宜外用髮反散

吹入鼻中內服犀角地黃湯其血可止

髮反散 犀角地黃湯方俱見痘門

瘡疹 兒在母腹血熱蒸生後不免過涼風偏體發出如粟米此名瘡疹何須乎註瘡疹者兒在胎中受母血熱之氣所蒸已久及生後外遇涼風以致偏身紅點如粟米之狀滿月內見者名為爛衣瘡百日內見者又名百日瘡未出痘瘡之先見者即名為瘡疹調攝謹慎不治自愈

蓋痘疹 痘後出疹蓋痘傳餘毒未盡失食寒偏身作癢如雲片加味消毒服即安註蓋痘疹者謂痘方愈而疹隨發也因痘後餘毒未盡更兼恣意飲食外感風寒以致偏身出疹色赤作癢始如粟米漸成雲片宜加味消毒飲疎風清

熱疹即愈矣

加味消毒飲 荆芥穗 防風 牛蒡子 炒 升麻 生甘草 赤芍 南山楂 連翹 去心 引用生薑水煎服

加味蓋痘疹因風熱成加味消毒飲最靈荆防牛蒡升麻草赤芍山楂連翹從

癰疹 心火灼肺風濕毒隱疹點發皮膚疎風散濕羌活散繼用消毒熱盡除註癰疹者乃心火灼於肺金又兼外

受風濕而成也發必多癢色則紅赤隱隱於皮膚之中故名曰癰疹先用加減羌活散疎風散濕繼以加味消毒飲清

熱解毒表裏清而疹愈矣

加味羌活散 羌活 前胡 薄荷葉 防風 川芎 枳殼 麩炒 桔梗 蟬蛻 連翹 去心 生甘草 赤苓

引用生薑水煎服 黴癰疹羌活散相當羌活前胡薄荷防川芎枳桔淨蟬蛻連翹甘草赤芍薑
加味消毒飲方見蓋痘疹

卷六十

編輯幼科種痘心法要旨

夫痘胎毒也伏於有形之始因感而發為生人所不能免然其發也或染時氣或感風寒或因飲食或由驚恐以
病引病為患多端變更莫測且其間順吉者少險逆者多有千方百計而不能冀其愈於萬一者此其所以為難
也古有種痘一法起自江右達於京畿究其所源云自宋真宗時峨眉山有神人出為丞相王且之子種痘而愈遂
傳於世其說雖似渺茫然以理揆之實有參贊化育之功因時制宜之妙蓋正痘感於得病之後而種痘則施於
未病之先正痘治於成病之時而種痘則調於無病之日自表傳裏由裏達表既無諸證失離於其間復有善方引
導於其外薰蒸漸染胎毒盡出又何慮乎為患多端變更莫測以致良工束手於無可如何之地耶此誠去險履
平避危就安之良法也然種痘一科多口傳心授方書未載恐後人視為虛誕之辭相沿日久無所考稽便至理良
法竟置無用之地神功湮沒豈不大可惜哉今將種痘一法細加研究審度精詳纂輯成書永垂千古庶為種痘
之津梁咸登赤子於壽域也

種痘要旨 嘗考種痘之法有謂取痘粒之漿而種之者有明服痘兒之衣而種之者有謂以痘痂屑乾咬入鼻中種
之謂之旱苗者有謂以痘痂屑濕納入鼻孔種之謂之水苗者然即四者而較之水苗為上旱苗次之痘衣多不應驗
痘漿太涉殘忍故古法獨用水苗蓋取其和平穩當也近世始用旱苗法雖捷徑微覺迅烈若痘衣痘漿之說則斷不
可從夫水苗之所以善者以其勢甚和平不疾不徐漸次而入既種之後小兒無受傷之處胎毒有漸發之機百發
百中捷於影響盡善盡美可法可傳為種痘之最優者其次則旱苗雖烈猶與水苗之法相近兒體壯盛猶或可施至
若痘痂之何以為順選苗之何以善藏天時之何以得正種期之何以為吉調攝之何以合宜禁忌之何以如法形氣
之何以可種與痘衣痘漿之弊一一條分縷晰細列於後學者必細心體閱則中有灼見不致有他歧之惑庶種法既
善而成功可必矣

選苗 苗者痘之痂也。種痘者全資乎此。以為胎毒之引導。關係匪輕。選苗時宜留神細察。不可輕忽。其中有可用者。有不可用者。惟在痘之順與不順。別之痘之不順者。出不尖圓。色不紅潤。漿不充滿。所落之痂黑暗而薄。此天人合病。內外合邪所致。即幸而得愈。亦不過良工之善為調治。非天然之美。此等痘痂斷不可用。痘之順者。終始無夾雜之證。出則尖圓。色則紅潤。漿則充滿。所落之痂蒼蠟光澤。肥大厚實。此得天地陰陽之正氣。極順之苗也。收而用之。效如響應。但此痂甚少。所遇無多。或不能親其事。而假手他人。亦必令彼身親目覩。方可。否則宜置而不用。切勿濫用。種者審之。蓄苗 種痘必資於苗。而苗之所可恃者。在氣之相通耳。若遇熱則氣洩。日久則氣薄。觸汚穢則氣不清。藏不潔則氣不止。此蓄苗之法。所以不可不慎也。如遇好苗。須貯新磁瓶內。上以物密覆之。置於潔淨之所。清涼之處。其所貯之苗。在春天者。一月之加。可種冬令。嚴寒四五十日之加。尚可種。蓋寒則氣收藏。熱則氣易洩。故時日有不同也。然於未收苗時。即當先與出痘之家明言。其故使彼樂從。無所疑忌。彼方肯用心收貯。不致稍有貽誤也。

天時 種痘貴得天時。得其時則種不得其時則不種。夫天時之正。莫過於春。春為萬物發生之際。天氣融和不寒。不熱。種之則痘自隨其氣而發生。此正二三月之時。所以可種也。若交夏之後。六陽盡出。地上人之陽氣亦皆外浮。暑熱燦金。受病者眾。斯時種痘。兒何以堪。此四五月之時。所以必不可種也。至若秋令。天氣清肅。斂收之時。雖遇可種之兒。而無引毒之具。此七八九月之時。勢有不能種也。至於十月。名曰小春。雖亦可種。然斯時寒氣固結。純陰用事。不若俟冬至後。一陽鼓動。得其生生之氣。種之甚吉。此十月之所以可種。猶不若十一月之尤可種也。然當可種之時。亦有不可種者。如春應溫而反寒。夏應熱而反涼。秋應涼而反熱。冬應寒而反溫。當其時而非其氣。是天地不正之氣也。常人感染。則成時疫。小兒調理未遑。况敢言種痘乎。倘或遇此。只宜稍避。俟時氣平定。再為議種。方保萬全。亦有未種之時。天時甚正。既種之後。忽爾寒暄不時。此又人事所遇不齊。偶爾變氣出乎意外者也。則宜屋中適其寒溫。順會天時。常燒辟穢香。飲食起居更加謹慎。可保無恙。種痘者宜詳審而體察之。

擇吉 下苗之日。必擇成日。開日。栽種日。及合天月二德日。則吉。倘三者不能兼備。即成開之日。亦可。若值人神所在之日。忌不可種。

種痘吉日 成日 開日 栽種日 天月二德日 正五九月在丙 二六十月在甲 三七十一月在壬

四八十二月在庚 人神所在之日 十一日在鼻柱 十五日在偏身

調攝 種痘之在調攝最為緊要自始至終不可稍忽如避寒熱慎飲食是也天氣嚴寒蓋覆宜溫煖勿使受寒恐被寒氣所觸則痘不得出亦不可過於重棉疊褥使熱氣壅滯致痘不宣發天氣溫煖蓋覆宜適中恐暑熱與毒相併致增煩熱亦不可輕易著單露體使寒邪外侵阻遏生發之氣此寒熱所以貴得其平也人之氣血必藉飲食生化痘之始終全賴乎此若飲食虧少氣血何所資助乎但不可過甚若過飲則飲停不化津液過食則食滯必生痰熱所以吮乳之兒不多乳不關乳能食之兒勿餐辛熱炙煖勿咬粘硬生冷勿恣意茶水勿使飲涼漿食不過飽亦不過飢此飲食所以貴得其平也至於寒熱飲食之外凡舉止動作既不可任意驕縱亦不可過於拂逆惟在調攝之人耐其性情兢兢業業善為保護不但慎於既種之後且當慎於未種之先不但慎之見苗之初尤當慎之落痂之後種痘者宜諄諄告誡務期詳細使彼知關係匪輕心存謹慎如法調攝始保萬全倘稍有不謹以致小兒或為寒熱所侵或為飲食所傷咎將誰諉乎此不知調攝者所以斷不可與種也

禁忌 種痘之家房中更要潔淨切忌冲犯最喜明亮不可幽暗擇老成耐事之人經過小兒出痘者今其調護不難左右一切忌禁俱當謹遵勿言罵呼怒勿言語驚慌勿對梳頭勿對搔癢勿嗜酒勿歌樂凡房事淫液氣婦人經候氣腋下狐臭氣行遠勞汗氣誤燒頭髮氣誤燒魚骨氣吹滅燈燭氣硫磺柴煙氣葱蒜酒毒氣溝渠污穢氣悉宜避之更當預囑其左右之人倘值迅雷烈風暴雨之變大宜安定勿使兒驚其幃帳宜謹蓋覆宜密切勿暴動生風常燒辟穢香以避偶爾不正之氣令人謹伺其門不許生人往來不許僧道師巫孝服之人入室以上禁忌一一遵守則吉稍有疎忽每至敗事種痘者切宜諄諄告誡之

辟穢香 南蒼朮 半朮 川大黃 四兩 右剉細片爐中燒之不可間斷

可種 小兒面部紅潤精采明亮透達印堂山根年壽眼下口角無青暗之色 兩目黑白分明視瞻平正愈看愈有

神氣精光 顙不陷不填 頤不解頤 鼻孔不小 氣清不濁 聲音清亮 天柱骨正頸不歪斜

骨肉相稱又宜緊束肥不見肉瘦不露骨 小便遠而長腎囊緊小微帶紫黑色如荔枝殼身

無癰癤瘡疥 項無結核 腹無積聚 形氣充實 精神強健 臟腑調順 脈息和平 以上

皆可種

不可種 小兒面色青白或黃黑瘦黃無喜色無精采 兩目黑多白少白睛帶青色視瞻歪斜暗昧無神 頤

陷顙填 解顙 顙不合 五鞭 五鞭 龜胸 龜背 鵠膝 鼻孔小 氣濁 聲音

不亮不長肉不束骨鬆如發麵樣 身體瘦無肥肉 身有癰癤疥瘡 腹有疳積 項有結核 病

後元氣未復 素有驚癇之證 失乳之後 氣血不足 脾胃虛弱 精神倦怠 脉不和平

以上皆不可種

凡小兒父母行事疎忽不知調攝不聽禁忌不信醫藥過於溺愛驕縱者亦斷不可與種

水苗種法 種痘之時要細閱小兒氣血沖和臟腑均平內無痰熱食積所傷外無六淫之氣相侵方可用上好痘痂種之一歲者用二十餘粒三四歲者用三十餘粒置於淨磁鍾內以柳木作杆研為細末以淨水滴三五點入鍾內春溫用冬熱用乾則再加水幾點總以調勻為度不燥不濕用新棉些須攤極薄片裏所調痘屑在內捏成棗核樣以紅線拴定仍留寸許長則剪去將苗納入鼻孔分男女左右不可離人時時看守倘小兒用手拈弄急禁止之或被嚏出急將苗塞鼻內不可稍緩恐洩苗氣下苗後必以六個時辰為度然後取出如遇天氣嚴寒多留數刻若遇時令和暖早取數刻亦可要在臨時斟酌痘苗取出之後其苗氣漸次而入傳遍五臟至七日始發熱發熱三日而苗見見苗三日而出齊出齊三日而灌漿漿足三日而回水結痂大功成矣

五臟傳送之理 鼻者肺之外竅也水苗種法以苗塞鼻中其氣先傳於肺肺主皮毛肺傳於心心主血脈心傳於脾脾主肌肉脾傳於肝肝主筋肝傳於腎腎主骨痘毒藏骨髓之內感苗氣而發其毒自骨髓盡達於筋腎臟之毒解矣自筋盡達於肌肉肝臟之毒解矣自肌肉盡達於血脈脾臟之毒解矣自血脈盡達於皮毛心臟之毒解矣自皮毛盡達於顆粒肺臟之毒解矣五臟之毒層遞而解然後毒化漿成收靨落痂此種痘傳送之次序也不可不知

早苗種法 早苗種法用銀管約長五六寸曲其頸碾痘痂極細納於管端按男左女右對準鼻孔吹入之至七日而亦發熱今時多用此法蓋取其簡便捷入不致脫落而有透洩苗氣之患也第恐後人用之不善輕吹之則不驟入重吹之則迅烈難當且恐流涕過多苗隨涕去往往不驗今欲垂法後世當取其法之和平穩當萬全者而則效之此所

以獨取於水苗也

痘衣種法 小兒出痘者當長髮鬢足之時則彼痘氣充盛取其貼身裏衣與未出痘之兒女服之服二三日夜間亦不脫下至九日十一日始發熱此乃衣傳然恐氣薄不透多有不熱不出其法不靈故不可用

痘漿種法 擇小兒出痘之順者取其痘漿以棉拭之分男左女右塞入鼻中亦能發痘但取痘漿之時不令本家知覺捏破痘漿盜以作種使彼真氣宣洩毒不能解此忍心害理不仁之事也同志者切宜深惡而痛絕之又豈可尤而效之也哉

信苗 種痘發熱以前小兒面部上忽出顆粒似痘名曰信苗此痘之將發毒氣之標也色紅而軟聽之自消若紅紫堅硬有如魚目者急以銀針挑破上以二聖散則無虞

二聖散 明雄黃 紫草各等分 共碾為細末用油臘脂調上

補種 下苗後宜令親切之人左右看守恐他人用心之不慎也若視為泛常看守疎忽恐小兒惡其苗塞鼻中不時捏出使苗氣一洩種多不驗所以種而不發者亦有之也然或小兒五內壯實不受苗氣難於傳進不發者亦有之更有胎毒深遂潛藏內蓄雖苗氣傳至不能引出不發者亦有之俱當俟踰十一日為度過此不發然後察天時和順再為補種之亦可

自出 種痘以七日為期五臟傳遍始發熱者常也或有至九日十一日而發者此傳送遲慢之故亦無足慮若發熱於五日以前此時苗氣尚未傳至其毒何由而發必因種後適逢天行時氣小兒感染而成是乃自出之痘非關苗氣引出者種痘者不可不知要當於未種之時預為申明其說焉

治法 種痘乃引毒達表乘兒安寧無病之時事屬順吉又何言治然恐痘家過於溺愛起居不謹飲食不節此病所由生也故治法亦所不免當悉照治正痘之法治之可也


卷六十一

編輯眼科心法要訣

目睛原始歌 天有日月陰陽精人有二目藏府精眾精之窠為之眼肉精上下兩胞名血精而皆氣精白筋精為黑

骨精瞳約束裹攝系屬睛目睛原始要詳明註天有日月猶人之有二目也天之日月乃天之陰陽之精而為之也人之二目亦人之五臟六腑之精上注於目而為之也故眾精之窠為之眼也肉之精為上下胞也血之精為兩眇也氣之精為白眼也筋之精為黑眼也骨之精為瞳人也約束裹攝氣血筋骨之精其系上屬於腦不可不明此目睛之原始也

五輪之圖




八廓之圖

目左



目右



水廓屬膀胱又名津液廓
 風廓屬膽又名養化廓
 天廓屬大腸又名傳導廓
 地廓屬胃又名水穀廓
 火廓屬小腸又名抱陽廓
 雷廓屬命門又名闕泉廓
 八廓部位歌 瞳人水廓黑睛風天廓白睛
 部位同內皆火雷外山澤上下胞屬地廓宮
 註八廓者水廓風廓天廓火廓雷廓山廓澤
 廓地廓也謂之廓者猶城郭衛禦之義也瞳
 人屬坎水廓也黑睛屬巽風廓也白睛屬乾
 天廓也內皆火雷也屬離火雷雷之廓也外皆

肉輪屬脾主肉
 血輪屬心主血
 氣輪屬肺主氣
 風輪屬肝主筋
 水輪屬腎主骨
 五輪主五臟病歌 胞為脾病皆主心肺白肝黑腎
 瞳人五輪為病主五臟寒熱虛實隨證分註胞為肉
 輪主脾病也內外二眇為血輪主心病也白睛為氣
 輪主肺病也黑睛為風輪主肝病也瞳人為水輪主
 腎病也五輪之病五臟主之其寒熱虛實當隨所現
 之證而分之也
 五輪所屬部位歌 五輪肉血氣風水肉輪兩胞血
 輪皆氣輪白睛風輪黑水輪瞳子自當知註五輪者
 肉輪血輪氣輪風輪水輪也謂之輪者目睛運動如
 輪之意也上下兩胞為肉輪內外兩眇為血輪白睛
 為氣輪黑睛為風輪瞳人為水輪此明五輪之部位
 分屬五臟也